

皇朝經世文編

卷一百一十五
臣六冊

皇朝經世文編卷四十一目錄

戶政十六 荒政二

荒政綱目 荒政輯要卷首 曾仕驥 備荒管見

救荒策 張伯行 救荒事宜十條

荒政輯要附論六條 楊景仁 勘災

袁賑 楊景仁 通商

備雜糧 楊景仁 興工

卷四十二

戶政十七 荒政二

救荒書得人疏 蔣伊 敬陳分賑之法疏

救荒議 魯之裕 災賑議

論平糶 陸曾萬 賑粥得法宜

勸施粥湯約 陸世儀 硤川袁賑圖後跋

興國張公救荒記 魏世微 陳辦災各弊疏

卷四十三

戶政十八 荒政三

與雷村侯 張履祥 請安流民興水利疏

飭興水利蠲 李光地 水利備旱疏

下屬縣試行水車板 喬光烈 與布撫臺論救荒書

卷四十四

戶政十九 荒政四

周官無錫賦說 王灼 蠲免事宜疏

惠任奇 荒政 賑紀十五條

方觀承 賑紀十五條

楊景仁 報災

楊景仁 輯流移

楊景仁 安富以救貧說

蔣伊 賑濟議

汪家禧 禁糶說

徐文弼 施粥不如散說

阮元 圖賑法

陶澍

任啟運 甲子救荒私議

晏斯盛 與蘇撫朱公書

李中孚

魏禧

汪志伊

楊景仁

楊景仁

楊景仁

陳芳生

唐魯齋

黃懋

齊彥槐

張海珊

趙士麟

那蘇圖 蠲恤宜速議

王命岳

敬陳預備救荒疏

敬陳遠賑以甦民困疏

姚文然 上隆大宰買米備賑書
王 懿 請截留漕艘以備平糶疏
孫 灝 論黃河運米賑災疏

胡 煦 與徐司空蝶園書
陳其疑 請速賑濟疏
喬光烈 與浙江黃撫軍請開米禁書

方苞 翁自涵 蔡世遠

卷四十五

戶政二十 荒政五

時疫

捕蝗記

捕蝗記

條陳捕蝗酌歸簡易疏

請捕蝗先行踏祭疏

祈雨法

金 誠 救恤疫四條

馬 源 捕蝗法

李鍾份 踏勘蝗荒議

甯光鼎 敬籌除蝻滅種疏

曹 奏 先 伐蛟說

徐文綱 祈雨文

袁一相 捕蝗說

陳芳生 除蝗記

魏商介 敬陳捕蝗事宜疏

周 燾 出土蝻子責成佃戶搜除敬

陳宏謀 雪說

韓夢周 旱魃辨

沈受宏

陸世儀

史 茂

陳宏謀

王 概

李 藩

原书缺页

原书缺页

原书缺页

原书缺页

原书缺页

原书缺页

原书缺页

原书缺页

業戶心既不甘必至爭執不肯再交亦有因書吏刁賴復將原米運回者州縣即以前二項指爲抗欠此其由也包完之名謂寡弱之戶其力不能與官抗則轉結交有力者代爲輸納可以不至喫虧然官吏果甚公平此等業戶又何用託人代納可以不煩言而自破者民間終歲作苦皆以完糧爲一年要事如運米石進倉具一家男婦老幼無不進城守候一遇陰雨濕霉猶將百計保護恐米色受傷如官吏初期斛收即歸家酬神祭先以爲今歲可以安樂過去故謂其特以醜米極交殆非人情惟年歲有不齊則米色不能盡二亦間有之耳然官吏非執此三者則不能制人故生監則詳請暫革齊民則輒先拘禁待其如數補交然後以悔悟請釋竟成一定不移之辦法臣自去歲至蘇金壇吳江等縣已釀成事端其他將就了結者殆尚不乏不知踴躍輸將者實皆良民而非莠民此民不能上達之實情也然在州縣亦有不能不如此者近來諸物昂貴所得廉俸公項即能支領斷不敷用州縣自開倉至兌運日止其脩葺倉廩蘆席竹木板片繩索油燭百需及幕友家人書役出納巡防一應脩館工食費已不貲加以運丁需索津貼日甚一日至其署中公用自延請幕友而外無論大小公事一到面前即須出錢料理又如辦一徒罪之犯自初詳至結案須費至百數十金案愈大則費愈多復有遞解人犯運送餉鞘事事皆須費用若將藉用民力槩行禁止謹厚者奉身而退其貪戀者非向詞訟事件生發不可而吏治更不可問矣伊等執思他弊一破獲咎愈重不如浮收尙爲上下皆知故甘受民怨而不恤雖地方有肥瘠才具有能否其藉此以肥身家者亦不能謂其必無要之不得已而爲此者差亦不少臣近見近日言事者動稱不肖州縣竊思州縣亦人耳何至一行作吏便至行同苟賤此又州縣不能上達之實情也州縣受培克之名而運丁陰受其益故每言及運丁無不切齒然其中亦有不能不然者運船終歲行行走日用必較家居倍增從前運道深通督漕諸臣口求重運如期到通一切並不苛察各丁於開運時多帶南物至通售賣復易北貨沿途銷售即水手人等攜帶梨棗蔬菜之類亦爲歸幫時餬口之用乾隆五十年後黃河屢經倒灌未免運道受害於是漕臣等慮其船重難行不能不嚴禁多帶貨物又如從前商力充裕軍船回空過淮時往往私帶鹽斤衆意以每年不過一次不甚虧復近因商力亦竭未免算及瑣屑而各丁之出息盡矣丁力既困加以運道之淺反增添添夫撥淺之費且所過緊要閘壩牽挽動需數百人使用稍省船即慮其受傷道路既長期限復迫此項鉅費非出之州縣更無所出此又運丁不能上達之實情也數年因津貼日增於是定例每船只給銀三百兩然運丁實不濟用船不能開遲久不開則州縣獲戾故仍不免私自增給是所謂三百兩者乃虛名耳頃又以浮收過甚嚴禁收漕不得過八折然州縣入不敷出強者不敢與較弱者仍肆股削是所謂八折者亦虛名耳然民間執詞抗官官必設法箝制而事端因以滋生皆出於民心之所不服若將此不靖之民盡法懲處則既

匡浮收復陷法網人心恐愈不平若一味姑容隱忍則小民開犯上之端將至不必收漕而亦自無官長其於紀綱法度所關匪細臣深思博訪求一萬全之術而不可得既已有所見聞不敢不陳於
聖主之前或可飭令中外熟悉漕務諸臣悉心籌議以期上下相安臣言雖若迂闊實今之切務也謹乘報歲試畢恭摺具奏

剔漕弊

包世臣

漕爲天下之大政又爲官吏之利藪貪吏之誅求良民奸民之挾制貪吏始而交徵繼必交惡關係政體者甚鉅說者皆謂漕弊已極然清釐實無善策或以爲州縣一年用度取給於漕故不能不縱之浮收勒折是無漕州縣其用度入將何出乎或以爲幫丁需索冗費盈千累萬裁革此項勢必誤運州縣虧空實由於此是無漕及有漕而不起運之州縣其虧空又從何來乎凡此二說皆貪黷州縣造作言語以愚弄上司以遂其腹民肥橐之私而爲之上司者或受其愚而不加省察或利其賄而爲之飾詞以致浮勒日甚也誰復肯揣本齊末廣思集益使閭閻免漁奪之苦幫丁祛賠累之病州縣無竭蹶之虞乎查州縣收漕有例定耗米自加一四至每石八升不等以爲脩理倉廩丁級辛食車腳津貼旗丁食米之用辦漕有餘卽留爲該州縣辦公之資是清漕本不爲州縣之累也合計各衛所其無屯田者不及十分之一多者至每船千畝少亦數百畝田隨船轉至三年小脩五年大修十年拆造所領例價雖不敷用然逐年撙節屯田租入則津貼裕如已頭舵水手有工食家口有月糧又有輕齋月贈席蓋銀頭舵又許帶土宜免稅幫丁附帶客貨每船約一二千石得受水腳豈宜復有賠累者無如十羊九牧爲人擇官多方以耗剝之各衛有本幫千總領運足矣而漕臣每歲另委押運幫官又分爲一人押重一人押空每省有糧道督押足矣又別委同通爲總運沿途有地方文武催趲足矣又有漕委督撫委河委自瓜洲以抵浣津不下數百員各上司明知此等差委無濟公事然不得不借幫丁之脂膏以酬屬員之奔競且爲保舉私人之地淮安盤糧漕臣親查米數而委之弁兵通州上倉倉臣親驗米色而聽之花戶兩處所費數皆不貲一總運所費二三萬金一重運所費二三千金一空運一催趲所費皆浮於千金又沿途過關夫需索每一船一閘不下千文是故幫丁專言運糧其費取給於官而有餘合計陋規賄賂雖力索州縣之充費而尙不足也善治漕者先清屯田責成衛所督課耕莖量其所入以一半給家計一半備公需停委重空責成本幫裁派總運責成糧道盡撤催趲委員責成沿途文武裁汰關夫責成閘官看守繳關閘板每一帮船抵閘聽其通力合作提溜更速水次則嚴禁嫖賭及隨幫收賬者盤糧廳專責漕臣而使督臣稽察之通州專責倉臣督同坐糧廳革退花戶之爲積蠹者則幫丁之辦運從容無須州縣津貼而州縣無所藉口以誅求于小民奸民不能激衆以凌辱其長吏藏富於民以培

元氣以專體統否則乎收勒折日增一日竭民財以積眾怨東南之患必在斯矣

釐剔漕事疏 雍正七年

尹繼善

竊思江省徵收漕糧積弊多端上厘

聖懷特頒

諭旨

命之下殊深惶悚臣日夜圖維當心體訪凡民間完漕

耗費州縣辦漕需用以及旗丁執運用度細細察核務期與漕務官民均有裨益方可永遠行之無弊查鄂爾泰先任蘇州布政司時曾有每石收漕費六分之議內一半給給旗丁每船銀二十兩一半給州縣為辦漕之用臣通盤合計在從前旗丁抵通過淮運費甚多原不敷用今蒙

聖明已將旗丁一切運費革去伊等原有行月錢糧又加額編五米十銀再每銀二十兩儘足用度旗丁既有定規州縣不被勒索有此三分一石亦可辦公即民間完納漕糧每石上全交費六分一切耗料面蓋

諭旨發鈔奏摺內開有江省收漕每石應收漕費

行禁革亦不為苦臣在清江時即經擬定規條聞署督撫諸臣固先奉

三分官吏多收六七分不等之語欲遏此名色要需臣范時經行司議詳每石止許收費三分署無王彭維新飭令每米一石

准折扣九斗臣查元扣收漕每石已加米一斗一升畏存六七分之名陰行八九分之實小民豈忍以此議斷不可行若每

石收費二分以一半給旗丁每船止得銀十兩以一半給州縣每石上二分五釐一切鋪墊人工腳價實不敷用夫處事必求

其實一法在可達若矯枉過正雖小民一時感頌而公事難行將來勢必復增況奏摺所稱既收費七分又復加米兩項

合計實在浮多如米糧不許升合加增僅收漕費六分原屬官民兩便臣隨咨會署督撫及漕臣商定一收費六分通飭遵

行再向來隨漕收取餘米最滋弊混易於侵冒具常平社倉捐穀一項原係勸民樂輸而近來竟隨漕勒收亦一併飭禁至旗

丁既經定議每船銀二十兩自不許仍向各州縣勒索而州縣又向有呈送各衙門繳漕陋規近年以來雖院司道府衙門

已俱不收取其監兌押運等官以及吏役催漕人等仍有滋費若聽其因循則弊不除根州縣仍得藉口亦一併條分縷析出

示嚴禁今歲法令之初猶恐官吏奉行不力臣督率司道各官俱時時加意處察悉心除玩法之興化縣等已經嚴參各處現

擬更定漕政章程疏

皇上惠愛黎元至意

蔣攸銘

臣阿霖保臣蔣攸銘奏言竊照江蘇首以漕務為急而漕糧尤以米色為重自加慶四年仰蒙

皇上洞鑒積弊三令五申

並荷

聖慈屢經設法調劑旗丁自應自有起色乃民間以浮勒上控州縣官又以刁抗為急往往視收漕為畏途究之各執一詞皆非虛捏蓋旗丁力久疲所領行贈錢糧本有扣款而長途挽運必須多僱人夫以及提溜打閘并閘有過淺盤剝人

工倍繁物價昂貴用度資虞不敷勢不能不向州縣索費州縣既須貼費勢不能不向糧戶浮收州縣既有浮收勢不能不受
邑戶挾制臣等訪聞措紳之米謂之矜米舉貢生監之米謂之科米素好輿訟之米謂之訟米此三項內措紳之米禁止不能
多收其刁生劣監好訟包攬之輩非但不能多收即升合不足米包潮雜亦不敢駁斥並有無能州縣虛收給坐吃漕規以
圖實靜就安遂致狡賄之徒視為利藪成羣包攬評訟不休州縣受制于刁矜訟棍仍取償于弱戶良民其安分之舉貢生監
所加多少不一大約總在加二三之間所最苦者良善鄉愚寒畯小戶雖收至加五六而不敢抗違畏暴欺良此贏彼蝕是欲
清漕政轉為奸民牟利之數而良民之受困益深矣且鄉僻愚民始則忍受剝削繼亦漸生機械伊等賄託包戶代交較之自
往交漕加五六之數所省實多愚民何樂而不為是以週年包戶日多鄉戶日少不特刁民羣相效尤即良民亦漸趨于莠吏
治民風士習由此日壞此漕弊之相因而成積重無已之實在情形也從前對予貼費每船不過百餘至二三百兩不等近來
旗丁積累愈重需費愈繁且路費正用之外或償還舊債或任意花消或對并需索皆所必有亦非盡由于路費不敷伊等知
州縣浮收有加五六之多遂得藉口多索運弁奸丁連成一氣州縣惟恐誤兌不能不受其刁勒是以對費竟有遞增至五六
百兩七八百兩者而蘇松為尤甚民強官懦之處僅得良善之贏餘不足供奸丁之訛索遂至虧空挪墊固屬實情即民情較
淳之地方牧令任意脂削仍藉口於兌費繁多故作虧空亦所難免稍借民力以濟運尚屬因公又因濟運而虧挪弊將何底
且州縣既多浮收則米色不能認真對予既多貼費則受兌亦不復深求及至通州賄買倉書經紀通挪交卸米色之潮雜不
純率皆由此此又官民交困彼此挾持南收此兌流弊無窮之實在情形也漕務積弊至此豈可不大大加整飭力挽頹風然弊
有不可不除而又有不能盡除者若從事飾說空文聽其言似屬至公究其實必無成效臣等甫經蒞任毫無迴護已恪遵功
令嚴行示禁升合不准多收對費全行裁汰稍有違即行查參原屬辦漕正理亦未始非臣等自全之道惟是幫丁長途苦
累費實不貲若竟絲毫不給津貼則勢必不能開行若責令州縣顆粒無浮亦勢必不能交兌伏思 天庾正供遲尚不可
況明知必誤而聽其決裂即懲辦亦于事無濟臣等非特不能當此重咎具有天良亦不忍出此但清漕之說既屬室礙難行
而酌加之事又斷無明發 諭旨之理臣等奉列封疆重寄所以察吏安民者惟在令行禁止勸廉懲貪今有所聞而不敢
問即懲之而無辭以解全之不必其行禁之不必其止江蘇訟案本半在漕一事如此事事掣肘若不定立章程仍事顧預敷
衍收過一漕臣等亦必致士民等執為口實而州縣不予以限制轉難分別懲創官與民不能開心見誠吏治民風將愈趨愈
下倉庫亦無清釐之日徒知自顧考成遂爾因循纖默負 恩更重問心何安夙夜驚懼維并與司道等反覆熟計不得不於

無術萬全之中苦思酌中權身之道謹就管見所及不揣冒昧敬為我

皇上陳之

一每年秋成時酌定收米準則以免偏枯也查糧艘並載抵通水蒸日晒米質必酥加以起剝折耗進倉敲揚恐餘米尚不足抵補應請于將屆開漕之先由藩司糧道督同該管知府詳看秋收光景酌定斛面若干總不得過八折之數督撫核明俟開漕時無論紳給士庶畫一徵收如再有控告者查係該州縣並未遵違自當妥為曉諭不准刁抗若稍有格外浮加雖未經告發而訪查得實即行嚴參至刁劣監仍前包攬扭交訊索漕規亦即嚴行究辦如此則幫費有資漕可速兌在紳士既有田地本屬有餘之家所費有限而小民得免偏枯之累且紳士齊民畫一完糧才徒無從挾制包戶亦不禁自絕矣

一旗丁各船幫費應嚴定限制以杜苛索也州縣因幫費必須津貼不得不量加斛面仍係以公辦公並非准其任意收但幫費不定限制則需索無已必至加收應酌中定制每船除向來不及二百兩者仍應照舊外其在三百兩以上者察看該幫情形定以三百兩為度漕臣嚴行曉諭不准絲毫多索米色則必須乾潔即食米應給本色者亦不准違例折收候兌足時地方官將各幫米樣封呈省各上司運弁出具印結三張亦將米樣申報糧道陸續轉送總漕坐糧廳倉場侍郎查考其旗丁應給銀兩應令縣幫公同散給毋許伍長奸丁包領侵扣如有奸丁領出私行花費責成糧道嚴查究處所有沿途催船漕委及過淮抵通一切浮費悉行禁革如此則米色不能通融旗丁不致苦累而州縣亦無所藉口矣

一收米既有限制則興訟之糧應委員驗明上倉以防積欠也查向來包戶攬納米石為數不少到倉時官吏稍為查問即抗不交納或將濕碎短少之米委之倉外一關而散赴上司衙門控告轉須代為看守而漕米不准掛欠州縣官不能不買米供兌旗丁利于多折價值彼此通融遂將食米盡數折收途中又將折價用去不免以正米作口糧買補無期弊害叢出今斛面一定遇有控案委員驗明米色押令進倉與眾花戶一律辦理其控告之是非曲直再行秉公審究則地方官可無墊兌之患不致以漕尾輾轉交代作抵日久漸歸無著亦清理虧欠之一端也

一州縣預買應米墊倉勒收折色之弊應嚴行禁革也近年州縣因免費既重斛面不敷不肖蒼猾之官吏百計張羅竟有於將次開倉收漕時藉名墊倉鋪底令漕總胥吏預買應米私運入倉迨至開倉收米時倉中半已盈滿不過十日半月即以米足封倉鄉僻小民往往運米至倉無處交收仍復運回勒令以重價折納鄉民不堪其累而漕糧色米之不純未必不由於此州縣轉以惡米墊交盡該過於糧戶此弊尤應嚴行查禁現已詳切札飭藩司糧道及各該管知府實力嚴查禁革一經訪查得實立即嚴參治罪庶米色得歸純潔而小民亦免苦累矣

以上各情形臣等明知本非正辦但

天庾正供關係甚鉅若非權宜酌制必致格礙難行臣等既確有見聞何敢因循隱飾自貽貽誤之外謹將酌定辦理章程據實懇陳伏乞

皇上聖鑒

卹丁除弊疏

兩江總督 孫玉庭

竊惟江南為漕糧重地若非辦理得宜必致百弊叢集而欲其官民胥免受累必使縣丁日久相安是以欲禁州縣之浮收必

恩旨准其加帶南北土宜

先杜旗丁之苛索而欲減幫船之浮費必先卹丁力之積疲伏查漕船有例給漕贈月糧又奉

恩旨准其加帶南北土宜

並在通變費餘米優恤固已周渥而丁力仍不免疲乏臣詳加體察尚有應行體恤者兩端一在無屯之賠墊一在漕委之滋

累而弁丁因之刁難州縣者亦有兩端一在無故停兌開行一在勒新通關米結臣請備陳其故查各幫大造船隻物料飯食

日益增昂例價實有不敷其有屯田津貼之丁均勻貼造力尚可支至江准興武等幫並無屯田津貼輪屆大造重利借貸價

賈糾纏日甚一日迨至兌漕藉詞橫索勢所不免臣思惟有仿照浙江辦法請於藩司糧道兩庫酌量開款發與生息量於例

價之外增給造運俸丁力不致拮据庶辦公稍知自愛如此雖無屯津可免賠墊矣其漕務委員一節嘉慶十二年欽奉

上諭漕督不得多派委員并禁止該弁等收受餽送嗣于十四年間又經巡漕御史奏請大加減省在案臣查沿途督糧本係

沿河衛備專責臣今運道通行惟有開多水溜之處自須酌委數員迎提糧艘過關此外概從減省臣現在移會撫臣河臣漕臣

一體酌裁如此量減委員不致滋累矣至旗丁勒索州縣必借米色為刁制各州縣開倉旬日各廠即已滿貯各丁深知米多

厥少必須先兌每藉看米色為由逐廠挑剔不肯受兌致使糧戶無處輸納往往因此滋事旗丁即乘機恣索州縣不敢不應

其求或所索未遂即藉稱米色未純停兌喧擾及至委員催兌開行各丁不候米之兌足即便開船冀累州縣以隨幫交兌之

苦此旗丁於受兌前刁制州縣之弊也漕米兌竣運弁應給通關而通關出自夫丁夫丁者積年辦事旗丁也眾丁及運弁皆

聽指揮夫丁索費必先議定私費再議通幫公費故有夫丁後手及程儀等項名色州縣不遂其德則通關勒新不交至使州

縣枉罹遲延處分此弁丁於既兌後刁制州縣之弊也臣思漕糧首重米色米色純潔總以糧道運官看定為憑臨兌之時既

經驗明米好即令公同封取樣米通送定期開兌令將每日兌兌米數按五日一次通報仍填晴雨日期備查如有無故停兌

及未兌足而開船者許州縣稟明立拿倡首之丁究處並將幫弁撤回如縣幫有以米色爭執者亦應即糧道親驗如果米色

朝雜責令篩淨交兌仍將州縣處分倘係弁丁捏稟挾制立將幫弁撤回參究幫丁從嚴懲辦即令依限兌收所有夫丁私費

永遠革除如此則旗丁聽兌前之弊可除矣幫丁兌米本有日給兌單既已受兌給單則不得卸過州縣伏查雍正年間定例